



MORELOS

SECRETARÍA
DE DESARROLLO
SUSTENTABLE



CONABIO
COMISIÓN NACIONAL PARA
EL CONOCIMIENTO Y USO
DE LA BIODIVERSIDAD

COESBIO
Comisión Estatal de Biodiversidad, Morelos.



**“KOAMEJ IUAN KOJCHICHITSI
ON CHICHIUALYOLKAMEJ KALPAN”**

Marmosa canescens / Tlacuatzin



Yolke onpitentsi kalpa México. Itlapali kuitlanextik, ixtololojuan kipiya tsontle kapostik iuan kipiya ikuitlapili xtsojmillo ika no piloa ipan kuaumej. se yolkatsi san neme ipan "México" iuan no nextia ipan ouilistli, ika no poliuiia kampa chanti ika no poloa on kuaumej iuan no mojtia ika oksekimej yolkamej,

kej Rattus rattus, no kixmate kej chachauatl cuitlanextik on nemi Europa.

Kuan tikijtoa ika yolkamej nemi ipan ouilistli, tikajse ipan norma oficial mexicana NOM-059/ makuilmatlaktli iuan chiknau in SEMARNAT, on kitlalia yolkamej on uielis xmiekej poliuiskej iuan no on uelis miekej poliuiskej.

Dasypus novemcinctus / Ayotochtli




Ayotochi neme san yaja iuan nochipa ki chiua tlamash san ipan tlajle ipan youajle iuan ipan tlajoka. Kipiya iayokayotl on ki tlapachoa askinochi inakayotl, yolke tsitsini, ixian xuejueyimej yesej uele no tlaloo, ixian kipiya istikuan uejueyimej ika tlaltataka iuan kichiua inanchantli. Notepayoloa kuan kochi no ijke ijkon

maka tlamash kichiuiliske, xnochipa tij nextis tepayoltika, notlakualtia ika yolkatsitsintin xika tepotsotl, no kikua yolkatsitsintin ika tepotsotl, xokomej iuan neluamej.

Pecari tajacu

koapitso



On yolkamej tojtomajtokej on kuitlanextikej, ika pitsauak istakpantli peua kampa imajkoluan iuan ajse ikexkojyo. On yolkamej chanti miekej iuan kemanika no sentlalia sentlamatijmej kana kaxtoli iuan omemataktli (5 y 20) kopitsomej, miekpa tikiminextis sentlamatijmej san xmiekej.

No nextia ipan miekej méxico tlalkapamej iuan on xipalyolkamej, on kijtojneke no tlakualtia ika tlamash kemej xokomej, xijtle, xinachtin, neluamej, yolkamej xika tepotsotl iuan yolkamej ika tepotsotl.

Leptonycteris yerbabuena

Tsonakatl



Inaj yolkamej no kuitia “quirópteros” kijtojneke on chichiualyolkamej iuan no kipiya mastlakapalmej ika uele patlani. On tsonakatl mas tsitsini ixayak ueyak iuan tsoltik ijkon uele no tlakualtia ika xochitlnectli in uitsatsastli iuan mexcaltsontel, on yolkamej no xochilmeyalmej, kuan no tlakaualtia kajse on xochimelayotl ipan itson iuan

ijkon kuan no tlalia ipan ojse xochitl kauilia on xochimelayotl, kisentlalia miekej tsonakamej ipan se astotl pampa noseuia iuan campá tlanemitia. On yolkamej nemej ipan ouilistli no ijke yeski intlapachojnemiskej iuan intlachiuallnemiskej. tli ika santlamantin temojtiltin ika kitlalia ipan ouiyotl ichikanemilistli.

Kuan tikijtoa ika yolkamej nemi ipan ouilistli, tikajse ipan norma oficial mexicana NOM-059/ makuilmatlaktli iuan chiknau i SEMARNAT, on kitlalia yolkamej on uielis xmiekej poliuiskej iuan no on uelis miekej poliuiskej.

Liomys irroratus

Chachauatl




On yolkatl mexicatekatl iuan ameritekatl; on yolkamej pipitekej kipia kana matlaktli iuan ome(12) cm ika ueyak iuan kuitlapilueyak. Itsontekon iuan inakayotl on tlapali tlaltik iuan kuitlanextik, niman campa ikuitlatekon istak.

On yolkamej kistineme ipan youajle iuan ipan tonaltin noseuia ipan nanchantli campa kalaki tlapachojtika ika xijtli iuan tlajle. No tlakualtia ika xinachtin in santlamantin kuaumej iuan tsatsastli, kintlalia ipan ikanteuan iuan kimijte campa nanchantli.

Canis latrans

Koyotl



On koyotl chichiualyolke notlakualtia ika nakatl nemi san kanon, on yolke uele no mate nouian iuan uele ti kitas kampa kaltipajmej, sepan kisti nemej, no sentlalia ika notlakatiliskej iuan kemantika uelis tikimitas ipan sentlamatin.

On xipatl yolcamej, kijtojneke kikua san tlamash, no uele no tlakualtia ika yolkamej on kistinemej ipan yolkakajli (kuanakamej, yolkaichkamej, chitomej) ika ijcon tlakatl kita ika mojtlistli, kintoka iuan kinmijtia.

Panthera onca / Oselotl



On inan yolkamej sanoye kuakualtsin iuan no chikaikej ipan noche tlajle iuan on sanoye ueye ipan noche ueytlalpan americano; itlapali kuitla nextik ipan santlamantin kuitlanextin/ika kuikuiltin kapostike ipa noche inakayotl. No ijke neme sekimej kapostike; inanka santlamantle selotl xnoye tikiminextis ipan méxico.

On sepan kistinemej, kistinemej ipan noche tonajli ipan tlajoka iuan youajle, no tlakualtia ika chichiyolkamej (masamej, pitsomej, ayotochmej, iuan ojsekimej) no ijke uele kikua totomej iuan tlalyolkamej (ayomej, sipaktli, akatepontli) on yolkamej tlaltimej yesej ueli tlejkoa ipan kuaumej ika kipiya istikuan uejueyimej. Ika youejka nemiya mieke ipan totlajtokayotl, no ijke, kampa no chantia ti kin totoka ika tocaltin iuan totlalpixkayotl, ijkon on oselotl nemi ipan ouilistli ika nemi.

Kuan tikijtoa ika yolkamej nemi ipan ouilistli, tikajse ipan norma oficial mexicana NOM-059/ makuilmatlaktli iuan chiknau in SEMARNAT, on kitlalia yolkamej on uielis xmiekej poliuiskej iuan no on uelis miekej poliuiskej.

Sorex saussurei / Pesojtli



Chichiyolkamej nese ken on chachauamej yesej kipiya itenchimali ueyak iuan uitstik, ixtololojuan sanoye tsitsini iuan iyakajtsol sanoye moskaltik. Nemi ipan okoyotl kampa uele kinextiske miyek tlakualojli iuan kampa chantiske; notlakualtia yolkamej on xkipiya itepotsotl iuan ijtik tekipanoa sanoye isijka no ijke kipiya tlin

notlakualtiske miekpa, on yolkatsi kintlamia on chautstli. Ika on yolkatsi xuele kistinimej san kanon sanoye mojkamej ika san tlinonon (kuan nochantilo, sanoye kuakuauaki, iuan ojsekimej).

Procyon lotor

Mapachtli



On yolkatsitsintin pachontin tikixmatis ika ixtololojuan kipia tsontli kapostik, kipiya ikuitlapili ika tlapaltin kapostike iuan istake. Nemi ipan nochimej tlalkapantin on méxico iuan ipan antlamantin xochio, nemi iuan kistinemej kampa nochantilo iuan tikimitas ipan tlasojlo kuan kitejtemoa y tlakual, kistinemej ipan youajle

iuan no san xipalyolke, kikua san tlamach kemej xokomej, yolkamej xica itepotsotl iuan no kikua yolkatsitsintin ika itepotsotl on kistinemej ipan atl iuan ipan tlajli. Itetsauitl san tlamantli iuan no san tlachia tlin kichiua tlakamej; no ijke, kuan kimatej ka kimita sanoye iuan kimatej nemi ipan ouilistli niman tecuajneke notlalia tlauele.

Urocyon cinereoargenteus

Kosatli



On yolke tsitsini ika itenchimali xueyak iuan icuitlapili ueyak pachontik, itlapali kuitlanextik/kampa ijtik iuan ijxiuan kalihtik itlapali istak, kampa kalihtik inakayotl kipiya se pantli kuitlanextik chichiltik. On yolke kistinemi san sepan kistinemi ipan youajle iuan tlajoka; nemi san kanon, kemantika xuejka kampa

chantilo. On no uele tlejkoa ipan kuaumej, tlejkoa ika no seuis no niyana no ika kitejemos itlakuatl, on nakakuane iuan kikua yolkamej kemej (totomej, tlaltontsimej, chachauamej, iuan ojsekimej) iuan no kikua xokomej iuan yolkamej xica itepotsotl.

Bassariscus astutus / Kakomixtli



On yolke xueye iuan no xtsitsini (tsitsini kemej se miston) tiktas ika kipiya icuitlapili ueyak ika tlapaltin kapostike iuan istake iuan itepostla istakuitlanextik. On kakomixtli kistineme san sepan iuan kistineme ipan youajle, kistineme ipan tlajle iuan ipan kuaumej, noye mojkamej xnokauilia tikimitas, chanti ipan iakatik on kuamej iuan no kampa temej, no ueli nochantia ipan astotl iuan ipan kojkalitin kampa xoy chantilo. No tlakualtia ika yolkatsitsintin kemej totomej, chachauamej, tlatontsimej, tochtimej, koamej, kueximej, kueyamej iuan tamasolimej, on xocomej iuan yolkatsitsintin sanoye tsitsini no kikua.

Leopardus wiedii / Tlaloselotl



On yolke noye tsitsini iuan tsitsini kemej se miston, itlapali kuitlanextik kostik, iyelpan iuan kalijtin ijxiuan istak, kipiya kapostik iuan kuitlanextik kapostik, kistineme san kampa okoyotl on kuelita, kampa onka miek xochimej kemej okoyotl kemantika uake iuan kemantika xoxojke iuan kampa onka okomej ipan

Morelos. Kistinemej san sepan iuan kistinemej ipan youajle. On yolkatsi kistinemej san ipan kuaumej iuan nakalkuane, kikua yolkamej ika tepotsol iuan xica tepotsotl. On tlaloselotl xoy miek onoke ika kinmimijtia iuan tlakamej nochantia kampa yajamej kistienemej.

Kuan tikijtoa ika yolkamej nemi ipan ouilistli, tikajse ipan norma oficial mexicana NOM-059/ makuilmatlaktli iuan chiknau i in SEMARNAT, on kitlalia yolkamej on uelis xmiekej poliuiskej iuan no on uelis miekej poliuiskej.

Micrurus laticollaris**Kokuilkoatl**

Inan koatl nemi san ipan México, on kichiua san se kualtsin koatl, itlapaltin kapostik, kostik iuan istak. Kikua iuan kintlamia on yolcatsitsintin kemej chachauamej no kikua oksekimej yolcamej keme oksekimej koamej iuan kuiximej.

Kistineme ipan tlajle iuan kistinemej ipan tlajoka, uelis tiki minextis ipan kojtle tlajkaltok, ipan temej, on kokuilkoatl chanti "balsas" kimijsa ika no pajtia on tlakamej, no kipia tenkualaktli (veneno), ika no tlakualtia kuan kajse se yolcatsi iuan no ika notenaua ika oksekimej yolcamej, kin maluia ika kampa chanti kin xoxotonia tlakamej.

Thamnophis melanogaster**Akoatl**

inan koatl nemi ipan atl, uelis tikiminextis ipan atoyatl, kistinemej ipan tlajoka, tikimitas no totonia iuan no tikimitas kitejtemoa itlakual, kikua yolcamej on nemi ipan atl (michimej, atepokamej, kueyamej, tamasolimej) xnoye tlauelke san kuan

tikintlaueltia iuan kuan no mate ipan ouilistli. On yolke nemi ipan ouilistli ika nochantilo kampa yejua nemi, kajse atl kampa nemi inan koatl, niman no tlatokalol iuan kampa chanti kana ika kintlakualtia on uakaxmej.



MORELOS

SECRETARÍA
DE DESARROLLO
SUSTENTABLE



CONABIO
COMISIÓN NACIONAL PARA
EL CONOCIMIENTO Y USO
DE LA BIODIVERSIDAD

COESBIO
Comisión Estatal de Biodiversidad, Morelos.



Tantilla deppei

Koskalkoatl



Inan koatl tikimextis san ipan México, ken panao tonaltin xoy mieke onoke, ipan morelos no nextijke sekimej ipan región norte, ipan tepetlajtol kayotl Huitzilac iuan Cuautla. Inan koatl nemi tlatlantlan on tlajli, tlatataka iuan ompa no chantia.

On koatl nemi ipan ouilistli iuan uelis poliuis ika no nochantilo kampa yejua nemi iuan no ika kinchiua on ueyojtli, tlatokalol kampa nemi, kintlacualtia yolcamej kampa nemi, kintlatia iuan kinteke on kuaumej.